

九龍城新堂奠基

九龍城沙地園聖芳濟各小堂建築以來已有數十年歷史。環堂而居者皆教友也。年前香港政府爲擴充市區計。將該處地段收回填築。故聖堂及教友所居之屋宇皆須拆卸。而九龍城一帶教友每逢主日及大占禮皆須赴九龍塘太子路德肋撒堂。或尖沙嘴漆咸道玫瑰堂與彌撒。殊覺不便。且九龍城區域年來新建屋宇甚夥。遷居該處之教友亦甚衆。故爲適應教友需要起見。近在附城購地建築新堂。已於六月七日下午六時由恩主教主持行奠基典禮。參加之司鐸及中西教友約百餘名。禮畢主教演說。畧稱：九龍城

區新堂不日可竣工矣。今趁此良機發表予之感想。感想爲何。乃慶幸也。即慶幸本處教友將有朝夕虔行敬主之聖堂也。此堂建築之資。乃由二位瑪利亞，剛美斯女士所捐助以紀念其先人者也。二位女士之慷慨爲懷。熱心公益。誠堪嘉尙矣。惟於慶幸中尙有一點當爲各位告者。即襄助傳揚聖教。乃吾人之天職。故不論教士或教友皆須勉盡此職責。或謂吾既非職司宣道。且不學無術。短于經濟。何能爲乎。予將解答之曰。誠如子言。則子至低限度尙能祈禱也。須知傳揚聖教固需人才與物質。然最重要者乃祈禱也。試觀近日不景氣之下。以物質言。似難有所建設矣。然賴各人尤其是專務爲聖教廣揚祈禱之聖衣會修女等之祈求全能者天主助佑。吾人雖在經濟困難之中。寶血醫院已於昨日開幕矣。本堂於本日奠基矣。聖衣會院將於明日行正式成立禮矣。下主日(六月十三日)大澳聖堂又將開幕矣。孰謂非祈禱之功耶。故吾人切勿自餒。務須以精神物質通力合作。以盡宣揚聖教之責。且吾主耶穌有云。凡因我名施冷水一杯與最小者。彼亦不失其報也。查該新堂下層爲學校。中層爲聖堂。三層爲司鐸寓所。